

Lege diligenter, obsecro, evangelia Christi; libros quoque alios canonicae 793—795? auctoritatis^a. Sed et pastorem beati Gregorii papae saepissime perscrutare¹. His aepulis animam tuam pasce, ut habeas, unde alios quoque^b reficere valeas.

Mei quoque, obsecro, ut^c memoriam habeas inter missarum sollemnia^d et sacras orationes tuas, ut divina clementia veniam mihi peccatorum et coronam tibi meritorum praestare dignetur.

40.

Alcvinus episcopum quendam amicum ad pietatem reliquasque virtutes hortatur curamque divinae laudis in ecclesiis ei commissis commendat. 793—795?

Codd. T fol. 72 (T fol. 66), K 1 fol. 50—50', K 2 p. 147—149^a.*

Edd. C 31, Q 53, F 137, J 294. — Migne col. 452.

Pars mea, dixit Dominus animae meae². Pars mea, dixit pater filio suo, cui Thren. 3, 24. sit pars cum sanctis in aeternum. Tuae beatitudinis perlectis litteris gaudebam de tuae prosperitatis salute, cuius praesens, quantum valui, fautor fui; etiam et nunc absens cupidus. Et utinam, ut litteris promisisti, memor sis antiquae^b paternitatis et dulcedinis inter nos in Domino, qui semper nos in sua provehat^c voluntate, et proficere faciat in suis mandatis. Memores simus, quod nos de^d stercore erexit, et Ps. 112, 7. 8. posuit inter principes populi sui; non nostris meritis, sed sua gratuita misericordia; cui semper gratias agamus^e in omni vita nostra, ut ille, qui exaltavit, etiam^f conservet.

Omnes vero ecclesias, quas Deo donante ad regendum accepisti, diligentissime in Dei laude exorna. Sint in eis canonicis horis psalmorum melodia, orationum instantia, missarum sollemnia et intercessionem pro te tuisque amicis. Sint tibi, fili mi, mores^g cum honestate et temperantia, vestimentorum moderatus cultus, convivia^h nonⁱ in luxuria et ebrietate, sed in sobrietate et congruentia temporibus et personis. Ubique Dei timorem^k ante oculos habeas. Humilitas te exaltet, et veritas honorabilem faciat, et misericordia amabilem. Sit tua manus pauperibus larga, amicis benigna. Esto fidelis dispensator domui Dei. Esto forma salutis omnibus tecum habitantibus. Cf. 1. Thess. 1, 7. Et quia Deus te^l honore nobilem fecit, esto quoque et moribus nobilis. Luceat lux tuae bonitatis coram omnibus. Glorificetur in te pater caelestis, qui te in hac praesenti vita custodiat, et in futura vita gloriam tibi cum sanctis concedat aeternam.

Pars mea, pars valeas; semper sit^m pars tua Christus.

Esto memor patris, pars, precor, alma tui.

^a) auctoritatis K 2. ^b) om. K. ^c) om. A 1*. ^d) sollemnia K 2.

40. ^a) Lemma: Item eiusdem ad quendam T*. ^b) antiqui K 2. ^c) proveat K 1. ^d) te K 2.

^e) agimus K 2. ^f) et add. K 1. ^g) filii minores K 1 pro fili mi mores; filii minoris K 2. ^h) conviviae T; convia K 2. ⁱ) nun K 2. ^k) timore K 2. ^l) de T. ^m) om. K 1.

1) Hunc librum saepius commendat. Cf. infra epp. 113. 124. 209. 2) Cf. carmen Alcivini ad Paulinum datum XX, 2 (Poet. Carol. I, 240): Pars animae melior, nostrae pars inclyta vitae.